

können / vnd nach dem es von nöthen / zu recht gelegt werden kan / so bedarff es auch nicht / das der Zeugt von den Kolen so gar klein sey / insonderheit vor das grobe Geschütz.

Weil dann letztgemelter massen / diese Machina keiner grossen geschwindigkeit bedarff / so wird sie also zugerichtet / das die vier obere Kampräder / eines so viel Zeene hat als das ander / auch die Keim alle drey / ein jedes so viel Spindeln hat / als das ander / Nämlich ein jedes Kamprad hat 36. Zeene / vnd ein jeder Kam 12. Spindeln / aber das grosse Kamprad / welches am Wellbaum des Wasserrads ist / hat 54. Zeen / vnd sein Kam 18. Spindeln / vnd hat doch gleiche proportion mit den Zeenen seines Kamprades / wie die Spindeln der andern Kam / gegen der proportion der Zeene ihrer Kampräder: Dann 18. in 54. kommet 3. mahl / wie 12. 3. mahl kommet in 36. Der Wellbaum des Wasserrads soll sein 16. Schuh / vnd das Rad soll haben 13. Schuh durch seinen diametrum im gemeinem Wasser / die Spindel so auffgerichtet steht / mag so hoch sein / wie es des orts gelegenheit erleiden mag: Gleichfalls sollen auch die Wellbäume / so zwischen den 3. Spindeln stehen / so lang sein / wie es der halbe diameter des Tisches / nemlich des Newerleins kan leiden / darauß der Mühlstein gehet / vnd man mus so viel raumes lassen / als der Meister bedarff / das er herum gehen /